

გორის მუნიციპალიტეტი გუდაბერტყა - ციხიაგორას ნამოსახლარზე საპრეზენტაციო სივრცის მოწყობა

ტექნიკური დავალება

❖ პრეამბულა

გუდაბერტყა - ციხიაგორა მრავალფენიანი არქეოლოგიური ძეგლია, რომელიც ქალაქ გორის აღმოსავლეთით 7 კმ-ზე მდებარეობს. არქეოლოგიური ობიექტის გათხრა 1956 წლიდან დაიწყო შ. ამირანაშვილისა და ს. ნადიმაშვილის ხელმძღვანელობით.

გუდაბერტყა-ციხიაგორას უძველესი ფენები მტკვარ-არაქსის კულტურისათვის სახასიათო მასალას წარმოგვიდგენს, ხოლო ზედა ფენები ადრე რკინის ხანის პერიოდსაა მიკუთვნებული. დადგენილია, რომ ძვ. წ. მეორე ათასწლეულში აქ დიდი სამოსახლო არსებობდა, რომელსაც ალიზის გალავანი უნდა ჰქონოდა გარშემორტყმული.

2016 წელს იგეგმება გუდაბერტყა - ციხიაგორას ნამოსახლარზე საპრეზენტაციო სივრცის მოწყობა.

❖ ძირითადი პირობები

მიმწოდებელი შემსყიდველთან შეთანხმებული სამუშაოების გრაფიკის შესაბამისად, სამუშაოების დამთავრებისთანავე წარუდგენს მას ინფორმაციას წერილობითი ანგარიშის სახით გათვალისწინებული სამუშაოების მიმდინარეობის შესახებ. იგი ვალდებულია გაითვალისწინოს შემსყიდველის შენიშვნები და წინადადებები, რაც შემდგომში საფუძვლად დაედება შესრულებული სამუშაოების ანაზღაურებას.

შესრულებული სამუშაოების ანგარიში შემსყიდველს წარედგინება სამ ეგზემპლარად: ელექტრონული ვერსია – კომპაქტური დისკების (CD) სახით (3 ეგზემპლარი), მყარი ასლების სახით (3 ეგზემპლარი), ტექსტური და გრაფიკული მასალის დოკუმენტირებით.

მიმწოდებელი ვალდებულია რეაბილიტაციის დაწყებამდე ძეგლზე დაამონტაჟოს ჩასატარებელი სამუშაოების ამსახველი საინფორმაციო ბანერი, რომელიც უნდა შეიცავდეს შემდეგ ინფორმაციას:

- მესაკუთრე;
- შემსყიდველი;
- მიმწოდებელი;
- ჩასატარებელი სამუშაოს სახეობა.

ტექნიკური დავალების დანართების სახით მოცემულია:

- სარეაბილიტაციო ნაგებობების სამუშაოების პროექტი PDF ფაილი (დანართი 1)
- შესასრულებელი სამუშაოს დასახელება და მოცულობები, სახარჯთაღრიცხვო ფორმა (დანართი 2)

სამუშაოების ჩატარებისას ყურადღება უნდა მიექცეს სამუშაოთა შესრულების ხარისხობრივ მაჩვენებელს. სამუშაოების მიმდინარეობისას ახლადგამოვლენილი გარემოებ(ებ)ის გამოვლენისა და მისი დასაბუთების შემთხვევაში, პროექტიდან რაიმე გადახვევა (ან მასში ცვლილება), შეთანხმებულ უნდა იქნეს შემსყიდველთან.

❖ შემსყიდველისთვის გადასაცემი საბოლოო პროდუქცია

წარმოდგენილი პირობებისა და ვადების ფარგლებში მიმწოდებელმა საბოლოო პროდუქციის სახით შემსყიდველს უნდა გადასცეს შესრულებული სამუშაოები, შესრულებული სამუშაოების ანგარიში (საქართველოს კანონის „კულტურული მემკვიდრეობის შესახებ“ მოთხოვნათა შესაბამისად),

შესრულებული სამუშაოების აქტები (ფორმა 2) და ფარული სამუშაოების აქტები (საჭიროების შემთხვევაში).

❖ ნორმატიული დოკუმენტები

მუშაობის პროცესში მიმწოდებელი ვალდებულია სამუშაოები შეასრულოს მოქმედი სამშენებლო ნორმებისა და წესების მიხედვით.

❖ სამუშაოთა საბოლოო მიღება

მიმწოდებელი ატყობინებს შემსყიდველს სამუშაოთა დასრულების შესახებ, თანახმად გეგმა-გრაფიკისა. შემსყიდველი ამოწმებს შესრულებულ სამუშაოებს. თუ შემსყიდველმა სამუშაოები შეაფასა წუნით, დასრულებულად ჩაითვლება სამუშაოები, დეფექტების აღმოფხვრის შემდეგ.

❖ სამუშაოთა შესრულების ვადები

შესრულებულ სამუშაოთა ანგარიშის ჩაბარების საბოლოო ვადაა **2016 წლის 25 დეკემბერი**. შესრულებულ სამუშაოთა ეტაპობრივი ჩაბარების ვადები და გრაფიკი დაზუსტებული იქნება პრეტენდენტის მიერ შემოთავაზებული გეგმა-გრაფიკის მიხედვით.